

成

徐評外科正宗

外科正宗卷九

明崇川陳實功著

吳江徐大椿靈胎評

海甯

許楣辛木訂
蔣光燾寅昉校

囊癰論第四十

夫囊癰者乃陰虛濕熱流注於囊結而爲腫至潰後羣丸懸掛者猶不傷人以其毒從外發治當補陰清

利濕熱取效者十有八九近時人誤用疝家熱藥多致熱甚爲膿

徐曰此二語確甚

慮難收斂初宜龍膽瀉肝

湯

龍膽徐勒批曰初太寒

稍久滋陰內託散外敷如意金黃散俱可內消又一種水疝皮色光亮無熱無紅腫痛

有時內有聚水宜用鍼從便處引去水氣則安

此句徐圖批曰不可少此法

如腫痛日久內膿已成脹痛者可卽鍼

之內服十全大補湯加山茱萸牡丹皮澤瀉治之間以六味地黃丸服之亦愈

囊癰看法

初起不紅微腫腎子引痛不作寒熱起坐自便者輕已成紅腫發熱形色光亮疼痛有時飲食有味者順已潰膿稠腫消痛止新肉漸生不痛作癢收斂者吉潰後腐爛囊皮脫落甚者羣丸突出能食不痛者順初起堅硬紫色日夜痛甚小便不利大便秘泄者重已成堅而不潰頭腐無膿疼痛無時常流血水者重潰後膿口開張腫痛不減身發寒熱睡臥不甯者重

囊癰治法

初起寒熱交作腎子腫痛疼連小腹者宜發散寒邪已成紅腫發熱口乾掀痛小水不利大便秘者利之
已潰疼痛不減膿水清稀朝寒暮熱者宜滋陰內託潰後不能收斂日晡發熱飲食減少者宜養血健脾
潰後罌丸懸掛不能收斂者當外用生肌內加補託

囊癰治驗

一男子風寒未經發散寒中腎囊作腫痛甚以萬靈丹洗浴發汗寒邪頓退又服四物湯加澤瀉蒼朮山
梔天花粉外敷如意金黃散數次而痊

徐曰此輕邪不成癰

一男子囊腫甚大脹疼不熱按之軟而卽起此濕水流注聚而不散以披鍼導去黃水碗許服導水消腎
丸月餘而消又以木香補腎丸服之不發

徐曰此濕腫之證

一男子患此十餘日腫甚脹痛內膿已成鍼之出膿碗許服十全大補湯加澤瀉丹皮十餘劑而收斂

一老年人素有疝氣因怒傷肝舉發疼痛自服盤葱散熱藥腫痛益甚腎囊半邊堅硬皮損紫黑此欲腐

爛見畢丸候也余語之不信尙欲內消請他醫治之內服龍膽瀉肝湯外敷四黃散寒涼等藥堅硬果腐飲食少進虛熱不睡痛甚昏憤又復請治余曰此證初起似疝實非疝也凡疝小腹作疼牽引腎子多寒少熱好飲熱湯此證乃惱怒傷肝陰虛濕熱爲患其囊紅腫發熱小便赤澀內熱口乾墜重作痛是爲囊癰之候初宜清利濕熱此六字徐圖而反用疝家熱藥已成宜補陰而又用瀉肝涼劑老年氣血既虧攻補機關又誤安得不殆當養氣血固根本爲主而佐以安神定痛之藥接補元氣死生在進退之間尙可轉也內服八珍湯加麥冬五味子遠志丹皮外以甘草湯淋潰腐處將已壞黑肉盡行翦落其畢丸已露數日後因得補藥之力前證漸退飲食漸進外腐已盡腎子已突出大半搽以玉紅膏外用膏蓋肌長漸收調理半年外始安

徐曰若治之得法一月必愈

一男子腫痛十餘日堅硬無膿囊頭紫色作爛此欲外腐以蟾酥錠爲末搽上膏蓋二日腐肉脫下搽玉紅膏以太乙膏掩之內服補陰滋腎藥而愈

一男子慾後受寒致陰囊牽引小腹作痛惡寒發熱診之脈緊數而無力服五積散一劑寒熱乃退痛亦稍止更用八珍湯加肉桂丹皮澤瀉數服而愈肉桂徐勸

囊癰主治方

清肝滲濕湯

清肝滲濕湯歸地
山梔膽草天花粉

青芍柴通澤瀉
燈心甘草效如神

治囊癰肝經濕熱結腫小水不利發熱掀痛者

川芎

當歸

白芍

生地

柴胡

龍膽草

山梔

天花粉

黃芩各一錢

澤瀉

木通

甘草各五分

水二茶鍾燈心二十根煎八分食前服

徐曰不外此方

滋陰內託散

滋陰內託散青歸
角針澤瀉併山甲

白芍還兼熟地者
囊癰日久服相宜

治囊癰已成腫痛發熱服之有膿即可穿潰

當歸

川芎

白芍

熟地

黃耆

錢各一
錢半皂角針

澤瀉

穿山甲

各五分

水二茶

鍾煎八分食前服

徐曰通治此證之方

導水消腎丸

導水消腎丸茅朮
更入木香共研末

木通肉桂炒牽牛
囊癰丸服不須憂

治內傷生冷外受風寒以致寒濕侵入囊中小者

如升大者若斗皮膚頑厚陽物短縮小水不利不痛多冷俗稱沙痞是也宜服此藥引導水氣日久漸

消不為廢疾此方常驗

茅山蒼朮

一斤米泔水
浸切片炒黃

木通

半斤

肉桂

一兩刮
去麤皮

牽牛

二兩
微炒

木香

一兩

共為細末陳米粉打糊丸如

桐子大每服百丸空心白滾湯清米湯任下忌生冷麵食此囊雖夏月炎天亦以衣被覆之爲妙

徐曰此方不可輕服

灸偏墜法

偏墜灸法最爲靈
木腎盡頭爲灸穴

候取天晴仰臥身
灸之七壯自然平

候取天晴不犯人神日患者平身仰臥取木腎子根

下硬根盡處以墨點記用安豆大艾炷三年之內灸七壯年久者灸九壯十一壯爲止內服木香補腎

丸戒食生冷兼忌房事百日爲妙

木香補腎丸

木香補腎丸地精
丁香二香歸杞戟

棗膝蛇從兔志苓
青鹽杜仲與人參

治偏墜一名木腎不疼不癢漸漸而大最爲頑疾

有妨行動多致不便灸後宜用此可內消此藥功效不獨治疝中年後宜服之益壽延年黑髮壯筋填髓明目聰耳補腎助元陽調飲食其功不可盡述婦人服之顏如童女肌膚瑩潔如玉又精寒血冷久

無嗣息者服之更妙

懷慶生地

四兩酒
煮搗膏

兔絲子

肉蓯蓉

黃精

黑棗肉

打爛

牛膝

蛇牀子

微炒

茯苓

遠志

各一兩
三錢

歸身

二兩
四錢

丁香

五錢

大茴香

木香

各六錢

枸杞子

一兩
五錢

巴戟

杜仲

各一兩

青鹽

五錢

人參

五錢

右爲細末煉蜜丸如梧桐子大每服六七十丸空心溫酒送下又諸疝不常舉發者服

之亦宜

徐曰此治腎經氣分之方穩妥無弊可師法 梔案肉蓯蓉蛇牀子遠志丁香大茴香木香巴戟徐國

如意金黃散

見腫瘍門

治囊癰初起紅赤腫痛發熱墜重者用葱湯同蜜調敷夏月濕熱紅甚者溫茶湯同

蜜調敷妙

囊癰應用方

萬靈丹

蟾酥錠

太乙膏

玉紅膏

俱見腫瘍門

十全大補湯

四物湯

俱見潰瘍門

五積散

見附骨疽門

龍膽瀉肝湯

見下疳門

懸癰論第四十一

夫懸癰者乃三陰虧損濕熱結聚而成此穴在於穀道之前陰器之後謂之海底穴初生狀如蓮子少癢多痛日久漸如桃李赤腫掀痛欲潰爲膿破後輕則成漏重則瀝盡氣血變爲癆瘵不起者多矣初起時元氣壯實宜用九龍丹瀉去病根稍虛者內消沃雪湯利去濕熱十中亦有三四可消如十餘日後腫勢已成不得內消宜託裏消毒散加山甲皂角刺服之自破如腫高光亮膿熟不破頭者用鍼急破之穢膿一出其患易安如膿出之後朝以六味地黃丸午以十全大補湯加牡丹皮澤瀉溫補滋陰又有厚味膏梁之人氣體壯實者初服龍膽瀉肝湯潰服滋陰八物湯以清蘊熱體瘦房勞氣血虛弱者

初服八珍湯加澤瀉炙甘草潰後十全大補湯加牡丹皮熟附子脾弱者補中益氣湯以滋化源日久成漏者國老膏化湯吞服蠟礬丸

國老膏以下徐國批曰此爲正方前諸方皆浮泛

首尾誤服寒涼損胃傷脾冰凝氣血以致

患孔漸開穢膿不止者定成虛羸癆瘵終爲難愈

懸癰看法

初起如松子漸大若梅李紅赤腫痛光亮發熱者輕已成高腫作痛根脚不散皮薄易破膿成脹痛者輕已潰膿稠而黃氣味不臭掀腫易消痛止作癢者順初起色紫堅硬根脚漫腫痛連臀膝二便不利者重已成腫如黃瓜紫斑腐爛穢水無膿痛甚氣臭者逆已潰穢膿不絕瘡口開張肉不紅活虛熱食少者逆

懸癰治法

初起寒熱如瘧喜覆衣被口乾好飲熱湯宜發散已成掀熱作痛內熱口乾喜冷大便秘澀者微利之日久內膿已成不破頭面脹痛者急鍼之法當補託潰後膿水清稀虛熱不退腫痛不消者宜滋陰健脾瘡口不斂飲食減少餘腫不消新肉不生者峻補脾胃

徐曰看法治法亦與諸證同

懸癰治驗

一男子結腫四日作癢微痛用九龍丹一服利五六次其腫漸消又用四物湯加花粉黃柏知母而愈

徐曰此輕證

一男子患此十餘日掀腫作痛至晚發熱尤甚又兼小水不利服龍膽瀉肝湯三劑小水稍通微痛不止此欲作膿用託裏消毒散加穿山甲皂角刺澤瀉二服而膿出又服十全大補湯月餘而斂

一男子患此腫甚脹痛此內膿已成鍼之出臭膿碗許疼痛頓減服十全大補湯十餘劑而飲食漸進揪痛亦消惟瘡口潰甚難合間用炙甘草吞蠟鑾丸外以附子餅灸之調理三月而愈

一男子素有痰火久服降下之藥以致結腫疼痛脈細而數此陰虛濕熱流注而成潰後必難收斂辭不治後果出臭膿不禁日漸開大發熱不止飲食不進強投溫中健脾補託氣血藥終不效而死

懸癰主治方

滋陰八物湯

滋陰八物湯生地 甘草川芎澤瀉等

赤芍丹皮花粉歸 引用燈心實證宜

治懸癰初起狀如蓮子紅赤漸腫悠悠作痛者

川芎

當歸

赤芍

生地

牡丹皮

天花粉

甘草節

各一錢 澤瀉五分

大黃

便祕加一錢蜜炒

水二茶鍾燈心二十根煎八分食前服

徐曰此治實證爲宜

炙粉草膏

炙粉草膏藥二般
歸身同熬膏日服

甘草頻將水炙乾
懸癰腫痛自平安

治懸癰已成服藥不得內消者服之未成者即消已

成者即潰既潰者即斂此治懸癰良藥也大粉草四兩用長流水浸透炭火上炙乾再浸再炙如此三

度

徐曰愈多
炙愈好

切片甘草三兩當歸身三兩水三碗慢火煎至稠膏去渣再煎稠厚爲度每日三錢無灰

好熱酒一大杯化膏空心服之最妙

徐曰和平良劑凡下體之疾皆治

還元保真湯

還元保真湯四物
甘草黃耆枸杞同

參苓丹皮併白朮
附子肉桂澤瀉入

治懸癰已潰瘡口開張膿水淋漓不能收斂者

當歸

川芎

白芍

熟地

白朮

茯苓

人參

黃耆

各一錢牡丹皮

枸杞子

各八分

甘草

炙

熟附子

各五分

肉桂

澤瀉

各二分

水二茶鍾煨薑三片大棗三枚煎八分食前服

徐曰此補劑通用之方附桂何得輕用

滋陰九寶飲

滋陰九寶飲青歸
花粉知母併黃柏

白芍黃連生地隨
大黃實火服之宜

治懸癰厚味膏梁蘊熱結腫小水澀滯大便秘結

內熱口乾煩渴飲冷及六脈沉實有力者

川芎

當歸

白芍

生地

黃連

天花粉

知母

黃柏

大黃

蜜水拌
炒二錢

水二茶鍾煎八分空心服

徐曰此寒下之劑非初起有實火者不可用 梴案懸癰破後往往成漏不强治亦不遽傷生余見一友患此二十餘年後因他病而歿全生集載初起未成膿時用生甘草熟大黃各三錢酒煎空心服一劑卽愈余昔有一僕將隨同北上先行之二日忽患此一夜大如蒲萄投以此方果一劑而消此僕甫二十餘歲甚壯實當是濕熱結聚所致故奏效如神虛人須斟酌

懸癰應用方

託裏消毒散

見腫瘍門

腎氣丸

見肺癰門

十全大補湯

八珍湯

補中益氣湯

四物湯

俱見潰瘍門

內消沃雪湯

蠟礬丸

見腫瘍門

九龍丹

見魚口門

龍膽瀉肝湯

見下疳門

附子餅

見附骨疽門

臂癰論第四十二

臂癰生於小腹之後位遠僻奧氣亦罕到血亦少來凡生此者濕熱凝滯結聚而成毒必外發庶不內攻初起毒從五臟蘊積者患必有頭紅熱墜重如石內必口乾發熱宜內消沃雪湯通利積熱外以膏貼瘡頂四邊以如意金黃散敷之拔出瘀膿紫血內兼託藥自愈常有內服敗毒寒劑外敷涼藥氣血冰凝毒氣不得外發反致內攻其瘡頭軟陷無膿根脚平散不痛內熱口乾煩躁譫語痰喘氣羸恍惚不甯者俱爲不治此證從毒積於內自裏至表者十有八九而從風寒暑濕自外至裏者百中一二旣出

而復入裏者終爲死候

徐曰治此疾與凡治下體之毒同但須略加溫託之品

臀癰看法

初起有頭紅赤腫痛頂高發熱根脚高聳者爲易治已成掀熱發腫疼痛有時皮薄光亮色紅易膿者順已潰膿稠而黃色如猪腦腫消痛止起坐自便者順初起粟米形或黃泡一點平塌作癢根脚散漫者重已成色紫堅硬臀腿俱腫小便澀滯日久無膿者險潰後無稠膿頂空根軟塌手按不知疼神昏無治法

臀癰治法

初起惡寒體倦喜覆衣被脈浮緊而在表者微散之已成內熱口乾好飲冷物小水澀而大便秘者通之頂高色赤掀痛發熱疼痛有時者宜託裏更兼解毒腫已高而作疼膿已熟而不破脹痛難忍宜卽鍼之潰後堅硬不消膿水不止飲食無味者宜補虛健脾

徐曰看法治法亦與諸證同

臀癰治驗

一男子患此四五日始覺疼痛至晚作寒六脈浮而帶數服人參敗毒散二劑寒熱頓退疼痛稍止彼有

公事急欲出門乃用鍼點入癰頂五六分流出紫血

徐曰針不宜太早

用蟾酥條插入膏蓋

徐曰蟾酥條亦不必

服活血

散瘀湯二劑紫血既去便可行動更服託裏藥五六劑而安

一男子患此六七日揪痛發熱口乾便燥用託裏消毒散加花粉大黃二服便通渴止仍用前湯加角針

山甲數服而膿潰又服十全大補湯半月而斂

一男子患此堅硬不潰此先用涼藥之過也用十全大補湯加角針蒼朮丹皮四劑堅硬漸軟又服透膿

散二劑膿熟針之仍用前湯倍參耆歸朮月餘而斂

一男子暑月患此自以為內毒用老鴉藤搗爛敷之每日續飲涼水十餘碗

徐曰自取其死

如此三日瘡毒內陷

平塌冰冷口噤不言六脈虛細如絲辭不可治至夜而死又一人冬月患此外用四黃散涼水調敷內

服敗毒涼藥毒亦內陷煩躁口乾鼻掀氣急瘡頭平塌原有一孔無水無膿亦辭不治他醫皆言無事

余曰臀居小腹之後肌肉頑厚毒既到此必須內託為膿潰後最易收斂今內外俱用涼藥毒既內入

豈能再出眾醫強投內消解毒定躁除煩之藥半月而死

臀癰主治方

活血散瘀湯

活血散瘀湯枳殼大黃雖用便通撒

蘇木紅花角歸青翹粉芩乳芍防風

治臀癰初起紅赤腫痛墜重如石及大便秘澀

川芎

當歸

防風

赤芍

蘇木

連翹

天花粉

皂角針

紅花

黃芩

枳殼

各一大黃二錢

水二茶鍾煎八分食前服便通者去大黃加乳香

徐曰實證可用藥亦太雜

黃耆內託散

黃耆內託散黃耆金銀花與甘草節

山甲青歸皂角刺

治臀癰已成服前藥勢定者欲其潰膿宜服此

黃耆二兩

當歸

川芎

金銀花

皂角刺

穿山甲

甘草各一

水二茶鍾煎八

分入酒一杯食前服

徐曰此臀癰之主方

臀癰應用方

內消沃雪湯

如意金黃散

人參敗毒散

託裏消毒散

透膿散

俱見腫

蟾酥條見疔瘡門

十全大補湯

見潰瘍門

楊梅瘡論第四十三

夫楊梅瘡者以其形似楊梅又名時瘡因時氣乖變邪氣湊襲又名棉花瘡

徐曰形似棉花故名總由濕熱邪火所

化但氣化傳染者輕精化慾染者重氣化乃脾肺受毒其患先從上部見之皮膚作癢筋骨不疼其形

小而且乾精化乃肝腎受毒其患先從下部見之筋骨多疼小水澀淋其形大而且硬如氣化者毒在皮膚未經入裏宜服萬靈丹洗浴發汗解散皮膚之毒精化者毒在骨髓未透肌膚宜服九龍丹通利大小二便以消骨中之毒甚者二服皆可行散之後體實者升麻解毒湯體弱者歸靈內託散服至筋骨不疼瘡根淡白此二句徐國批曰此症總以毒盡爲度不可欲速內毒已解方用點藥輕者半年重則一載始愈如患者欲速要用薰條擦藥哈吸等法必貽後患宜熟思之

楊梅瘡看法

初起無頭疼筋骨不作痛小水無澀淋瘡乾細者輕已生頭面稀少口角無瘡項下胸背雖多穀道無者輕初生瘡發下疳次生魚口筋骨疼痛瘡發非祥瘡生紅紫堅硬手足偏生形如湯潑泡狀害非輕淺

楊梅瘡治法

初起先澀淋次筋骨作疼後發瘡者宜攻利生後外無疳瘡內無筋骨作痛時氣所感者微散之瘡由交媾不潔先生下疳小水澀滯不通者當行導利上部作癢瘡多宜消風清熱下部作疼癢甚宜瀉濕爲先紅紫毒盛瘡高宜涼血解毒淡白毒輕瘡薄宜攻補兼行手足皮膚枯槁鵝掌風生柏葉二礬煎湯薰洗卽好頭髮眉毛脫油風何須說神應養真丹早服稀疎脫點點楊化癬片片癩風瘡宜服換肌丸效應如

同掃

楊梅瘡治驗

一男子患此兩月餘自服敗毒涼劑不應筋骨疼痛此表裏寒涼毒沉難出必以辛熱發之

此六字徐勸批曰不可

用萬靈丹葱酒煎服仍洗浴蓋之先出冷汗如雨次出熱汗疼痛減其大半以歸靈湯服至月餘瘡勢始定更服草薢湯兼補中益氣湯又兩月餘始全愈

一男子小便白濁作痛次出疳瘡發腫作爛筋骨微痛余曰將發時瘡彼不之信請他醫以薰藥照之

毒藥

瘡似稍愈而筋骨更疼頭脹欲破又復請治紅點滿面此火氣鬱遏難出先用黃連解毒湯二服瀉其火毒次以蟾酥丸發汗使其毒透出肌表紅點漸漸成瘡筋骨頭疼亦漸減更以加味遺糧湯服至兩月瘡始出盡骨疼方止又兼服解毒天漿散至百日其瘡始退又百日而平

一女人因丈夫生瘡傳染筋骨極疼遇晚寒甚服人參敗毒散四劑

人參徐勸批曰觀下文有如其寒乃此毒氣在內何得先用人參

退疼尚不止又以萬靈丹發汗二次方出點如豆大頭面及背肉無餘隙此毒盛也用防風通聖散二劑通利大小二便去硝黃加皂角針金銀花又十餘劑其瘡小者如錢大者若杯氣穢作爛起坐不堪外以石珍散糝爛處令結疤又爛又糝內服加味遺糧湯兩月餘瘡始漸乾輕者收斂脫痂重者半年

方愈

一庠生患此月餘欲求速愈余曰此非他恙可比若速愈必遺毒於後日辭不敢治更醫對曰半月全愈

後亦無患聞言大喜用水銀膽礬等藥

此七字徐勒批曰大誤

擦擦手足二心半月果愈隨後骨疼諸藥不應半

年後內毒方出爛疼不堪偏腿連串並無一空又二年腿脚曲而不直廢疾終身又兼耳聾全不聞聲

又一人嫖妓生瘡筋骨疼痛余曰升發方可彼欲內消他醫謂用丸藥七圓可治每用一圓置炭上燃

著以口吸烟

此句徐勒

至三圓鼻流鮮血至夜而死又一妓者患此欲其速愈以照藥薰之三日後吐血

數盆亦死此皆欲速自取危亡

楊梅瘡主治方

加味遺糧湯

加味遺糧湯木瓜

青歸防苁朮銀花
靈仙鮮皂通甘草
人參一味氣虛加

治楊梅瘡初起筋骨疼痛及已成數月延綿不已

并楊梅風毒誤服輕粉癱瘓骨疼不能動履

川芎

當歸

防風

薏苡仁

木瓜

金銀花

木通

白鮮皮

蒼朮

威靈仙

各一錢

甘草

五分

皂莢子

五個切
片微炒

仙遺糧

二兩即俗稱
土茯苓是也

人參

瘡久氣虛者加此
味徐勒批曰不必

水二碗煎八

分量病上下食前後服腿脚之下加牛膝一錢病淺者一月可退病深者百日可痊忌牛肉燒酒海腥